

**SIELMAT BIBLE COLLEGE CHANCHIN LE NGIRHMUN**  
**(Sielmat Bible College Day, 1<sup>st</sup> April 2026)**

Kumtin April 1 hi ICI KOHRAN in Sielmat Bible College Day a in ser hlak a ni angin, tukum 2026 a SBC Day a Kohran hai laia SBC chanchin le Ngirhmun inhrilhrietna ding le ei tawngtaina ding in tiin SBC Board minute books, College Souvenir, ICI Gospel Centenary Souvenir a mi le tuta ngirhmun ami a tul ding awm hai lasuok in ei hung buotsai a. SBC chanchin le ngirhmun ei hung suklang hai popo hi kimchang taka Kohran hai lai hrilna hun a lo um remchang naw a ni khawmin, pawimawi zuol bika ngai hai bek suklang ngei nisien tiin ei hung in ngen a nih.

**A TOBUL** : Independent Church Of India in Bible School a nei hmasatak chu ‘R Dala Memorial Bible School’ kum 1940 lai khan Senvawn khuoah lo tan a nih. Indo-Burma Pioner Mission (IBPM) a hung pieng khan, Independent Kohran Headquarter chu kum 1956 khan Sielmat a sawn ani hnungin, R.Dala Memorial Bible School chu kum 1956 khan kangvai a sawn a lo ni ve a, chu hnungin Sielmat tieng a sawn nawk anih. Kum 1965 laia Independent Kohran le IBPM in rawngbawl na hran ve ve nei dinga an hung in the fel hnungin, R.Dala Memorial Bible School chu IBPM tieng in an enkawl zawm a, chu hnung hrim hrim chun R. Dala Memorial Bible School ri le va hriet zawm ding a um ta chuong naw a ni awm ie.

Independent Church of India khawm hma hung sawn peiin, Kohran hotu hmasa haiin hmathlir seitak nei in April 1, 1980 khan Sielmat Bible School chu pil bang zut In ah inchuklai mi 15 leh an mi lo tan pui a. Kum 1995 khan College puitling a hlangkai a nih. Pil bang In a inthawka intan in, vawisun ruok hin chuh Pucca building leh burik khupin College puitling tak ei lo enkawl der el chu an tah. Hieng chen mi thuoitu ei Pathien kuomah lawmthu ei hril a nih.

**HOTU HMASA TAKHAI**

Principal hmasatak : Rev. Darsanglien Ruolngul  
Zirtirtu hmasatakhai : Rev. Darsanglien Ruolngul & Rev Lalngaisang  
Registrar hmasatak : Rev. HB Hluothang

**COLLEGE THUPUI** : “*Pathien thutak indiktaka inchûktir* (Rightly Handling the Word of Truth”  
(2 Tim. 2:15) a nih.

**COLLEGE THILTUM HAI:**

- 1) Bible thutak hmanga evangelical thuring inchuktirna indik inchûktir.
- 2) Inchuklaihai pastor rawngbawl na, missionary sin le Kristien rawngbawl na hrim hrim inchuktir.
- 3) Inchuklaihai thlarau tienga inthanglienna, nungchang tha inchuktirna, Isu Krista angna thu inchuktira keihruoi le siempuitling
- 4) Khawvel danglam zingna hmuna rawngbawltu tha ni dinga rawngbawl na hlawk lem dan inchuktir
- 5) Independent Church of India kohran sunga rawngbawl na bakah India ram le puotieng chen a khawm rawngbawl tlang dan lampui siem.

**INCHUKNA PROGRAM :**

<b>INCHUKNA PROGRAM HMING</b>	<b>A NGIRHMUN</b>
Certificate of Theology	Hi hi program hmasatak a, kum 1980 a vernacular (Hmar tawng) a inchukna a nih.. Hma ei hung sawn pei leiin tuhri a ding chun ei sunzawm ta nawh a. Kohran rorelna in rem a ti chun Kohran mi tamlem inchuk theina dinga biel tan vat chuh nuom dan a nih.

Graduate of Theology (GTh)	Kum 1990 in tan anih a, kum 1994 a BTh ei tan ta leiin, sunzawm ta lo a nih
Diploma in Theology (Dip Th)	Hun iemani chen ei lo sunzawm ta naw chu, kum 2026-2027 academic year thar hin tan thar nawk tum a nih
Bachelor of Theology (BTh)	Kum 1994 khan english medium in ei tan a. Hi kum vek hin ATA accreditation ei hmu a, Pathien zarin ei la sunzawm zing
Master Of Divinity	Kum 2020 khan english medium in ei tan. M Div program ATA accreditation hi kum 2022 ei hmu a, Pathien zarin ei la sunzawm zing

A chung a tarlang ta ang khin, kum 1994 in Asian Theological Association hnuoia affiliation ei hmu ta leiin, kum 1995 khan Bible School chu Bible College a hlangkai a ni a. ATA affiliation ei hmu hnung hin SBC a inchuk zo, inchukna insang lem sunzawm nuom ta dingin harsa lo takin ATA affiliated College dangah an kai zawm thei pha a lawm a um hle.

**COLLEGE A INZIEKLUT TA PO** : SBC a hin inchuklai mi 642 an inzieklut ta a, an ni hai laia a tam lem dei hi Pastor, Missionary, Zirtirtu le Local Kohran thuoitu hlun tak tak niin Pathien ramah rawng an bawl zing a, thenkhat hai chu Kohran pawl bik ni kher lo Mission Agency dang danga rawngbawl mek khawm an um baw. Hriet dan chun tuta Independent Church Of India Pastor 55-70% hai hi SBC graduate ni a hriet an nih a, Pathien zarin SBC rawngbawl na hi a hlawsam naw hle!

Tuta academic year fe meka inchuklai ei enkawl hi mi 43 an ni a, an ni hai laia mi 19 hai hi tukuma graduate ding an um a, remruot dan chun April 7, 2026 khin tuta academic year fe mek Graduation Service nei ning a tih. Academic year thar, 2026-2027 hi May 29, 2026 a tan nawk tum a riruong anih a. Inchuk ding mi thar 30 bek admission thar nei ei nuom a nih.

**INCHUK ZING PUMA RAWNGBAWLNA:** Sielmat Bible College hin Pathien thu hrietna tienga inthanglienna le hmasawna cho a thiltum a ni nawh. Inchuktu hai hrim hrim nungchang le changzie a dam, khawsakdan ah hmangtlak ni a siem hi a thiltum a nih a. Kohran hai le College inlaichinna tha nei zinga, inchuklai hai khawm an inchuk sunga rawngbawl na an nei zing thei dan ding riruong a ni hlak. Chu ding chun, College inngatna Tuithaphai Presbytery sunga Kohran hai lai kartawp rawngbawl na (weekend ministry) le Nipui chawl sunga rawngbawl na (Summer ministry) hi nei a ni hlak. Chubakah ei project Bethesda School & College of Nursing a dam, Orphanage home hran hran a dam, Rehabilitation centre le Ruolbanlo enkawl na hmuna hai rawngbawl na nei hlak a nih.

**COLLEGE BUILDING** : Hotu hmasahaiin theitawp suoka hma an lo lakna zar lieu lieu leiin, pil banga intan in, tuhin chuh Pucca building tha tak sungah Pathien thu inchukna ei nei thei ta a, lawm a um hle a nih. Tuta SBC Building ei nei dan hieng ang hin hei suklang inla –

- 1). **ADMINISTRATIVE BLOCK** : Administrative office, Faculty room, Classroom a hmang a nih
- 2). **TAISEN BLOCK** : Pasal Hostel a hmang a nih
- 3). **THANGNGUR BLOCK** : A hnuoi hi hostel a hmang anih a, a chung hi Library le Study hall a hmang a nih. Tuhin Pathien zarin library 10890 volume zet ei nei ta hih lawm a um em em.
- 4). **PRAYER HALL CUM CONFERENCE HALL** : Hi hih ei building thar hlawk, nikum lai el a hawng thar anih a. Ceiling le tuong tile la zo fel lo a nih
- 5). **STAFF QUARTER** : Secretariat hotu hai hma mi lakpuina zarin Kum 2023 khan SBC thawktu sungkuo 2 um theina ding bawl zo fel a nih ta a. 6<sup>th</sup> March 2026 khan Family quarter thar hlawk sungkuo 2 umna ding hawngna le inhlanna nei ani baw. Hieng ang building tha tak ei nei theina dinga hma mila puitu HQ Secretariat chungah lawmthu a vel velin ei hril a nih.

**6). RECREATION HALL :** A hmaa Inkhawmna hmuna ei hmang kha, Pathien zarin Inkhawmna ding building thar ei neita leiin, insukhlamna hall (recreation) a hmang lem ani tah

**7). KITCHEN CUM DINING HALL :** Thlaisuonnga le bufakna hmun awmtawk ei nei bawk.

**THAWKTU :** Tuhin thawktu mi 14 (inchuktirtu 10 le thawktu dang mi 4) an um a. Pathien zar chauin March 2, 2026 khan Dr Carey L Inbuon of Sielmat chun Serampore University hnuoiah Doctor of Theology thatakin a hung zo thei ta a. Hi hih College ta dinga hmasawna ropui tak el a nih.

Ei hriet angin ei college hih mani a in enkawl; inchuklai fee le mi thahnemngai hai thawlawm thaw khawma inngat tak meu a fe hram hram ei nih. Chuong zing lai chun ei College suk hmasawna ding hin mamaw le tul tamtak ei nei a, tawngtaina a in mi lo san zawm theina dingin hieng ang hin tawngtaina subject ei hung tarlang nghal bawk.

### **TAWNGTAINA SUBJECT**

- Thalaih lai Pathien thu inchuk nuom mi ei um zing theina dingin,
- Inchuktirtuhai in Pathien thu, evangelical thuring ang taka inchuktirna an pek zing na dingin
- Board of Governors' haiin College hmasawna ding ro thatak tak an rel peina dingin
- Inchuklaihai chawmtu nu le pa, Kohran sunga departmenthai, Presbytery, SBC ruoltha India ram sung le puotieng a mi hai ta dingin
- College Keyboard hmang lai hi a hlui taa, siemfawm zinga hmang ani ta leiin keyboard Pathienin ami pek ngei theina dingin
- Khawvel hmasawna ang peia inchukna hmun (classroom) suk hmasawn a tul leiin, SMART Classroom ei nei vat theina dingin
- Conference Hall Ceiling le Classroom tuong hai tile a thleng pha vat ani theina dingin

### **SIELMAT BIBLE COLLEGE A HIN PATHIEN RAWNG I BAWL VE THEI ZING A NIH:**

- **TAWNGTAINA in**
- **STUDENT SUPPORT (SCHOLARSHIP) PROGRAM A THANG VE IN :** Kumkhat sung thlatin cheng 1500/- i pek chun, kumkhat sunga (2 semester)naupang pakhat inchukna 25% in i thangpui ding a nih. Cheng 3000/- i pek chun, kumkhat sunga (2 semester) naupang pakhat inchukna 50% zet in i thangpui tina anih. SBC a inchuklai hai hi fel tak tak, kona thatak tak dawng amiruokchuh insung khawsak harsa tak tak dam ani hlak leiin, STUDENT SUPPORT program a thang nuom hai chu ienglai khawm ei lawmlut hle zinga, rawngbawl dan ding Principal, SBC kuoma ngaiven thei zing a nih.
- **SBC NGAINATU A THANG VE IN :** Tumkhat a dinga thilpek mani ngam zat pe in SBC Ngainatu ni thei a nih.

SBC Day hmangtuhai popo Pathienin malsawm sien cheu, tukum hin SBC rawngbawlna a dingin kalkhat bek ti ve thei dingin Pathienin inthuum thar seng raw sen cheu.

Dated Sielmat Bible College  
17<sup>th</sup> March, 2026

  
Rev. Dr. V Lalnghakthang  
Principal, Sielmat Bible College